



Broj: 10/E-11-877/26
Sarajevo, ~~05-03-2026~~ . godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova III, imenovana rješenjem Općinskog načelnika broj: 10-45-164/25 od 05.03.2025. godine, (u daljem tekstu: Komisija III), u postupku javne nabavke: Usluge održavanja PP aparata, funkcionalno ispitivanje hidrantskih i gromobranskih instalacija u objektima u vlasništvu Općine Centar Sarajevo, putem konkurentskog zahtjeva (Zapisnik o pregledu i ocjeni ponuda broj: 10/E-11-877/26 od 3.3.2026. godine), Općinski načelnik donosi

ODLUKU O IZBORU NAJPOVOLJNIJEG PONUĐAČA

- I. Prihvata se ponuda prvorangiranog ponuđača „**MAHER**“ d.o.o. Sarajevo, ulica Muhameda ef. Pandže broj 61, 71000 Sarajevo, broj: 63/26 od 25.02.2026. godine, za usluge održavanja PP aparata, funkcionalno ispitivanje hidrantskih i gromobranskih instalacija u objektima u vlasništvu Općine Centar Sarajevo, putem konkurentskog zahtjeva za dostavu ponuda, po cijeni u ukupnom iznosu od 4.918,00 KM bez PDV-a, odnosno 5.754,06 KM sa PDV-om.
- II. Izabrani ponuđač je dužan da, u roku od **5 (pet) dana** od dana prijema ove Odluke, na protokol Ugovornog organa dostavi dokaze o ličnoj sposobnosti iz tačke 7.1. i 7.1.2. tenderske dokumentacije, u skladu sa članom 45. Zakona o javnim nabavkama, u formi **originala ili ovjerenih kopija**.
- III. Izabrani ponuđač je dužan da, u roku od **5 (pet) dana** od dana prijema ove Odluke, na protokol Ugovornog organa dostavi **originalne ili ovjerene kopije dokaza** o tehničkoj i profesionalnoj sposobnosti predviđene tačkom 7.3.2. tenderske dokumentacije, kojima se potvrđuju kvalifikacioni navodi iz tačaka **a), b) i c)**, a u skladu sa izjavama dostavljenim u ponudi.
- IV. Ugovorni organ će sa izabranim ponuđačem zaključiti okvirni sporazum na period od 28 (dvadeset i osam) mjeseci, kojim će se regulisati međusobna prava i obaveze u vezi predmetne nabavke, shodno zahtjevima Ugovornog organa i zakonskim propisima.
- V. Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- VI. Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

Obrazloženje

Postupak javne nabavke usluga održavanja PP aparata, funkcionalno ispitivanje hidrantskih i gromobranskih instalacija u objektima u vlasništvu Općine Centar Sarajevo, pokrenut je Odlukom Općinskog načelnika o pokretanju postupka javne nabavke, putem konkurentskog zahtjeva za dostavu ponuda, broj: 10/E-11-877/26 od 09.02.2026. godine. Predmet nabavke nije podijeljen na lotove. Procijenjena vrijednost javne nabavke bez uračunatog PDV-a iznosi 8.700,00 KM, za cijeli period trajanja okvirnog sporazuma. Obavještenje o nabavci 848-7-2-28-3-61/26 objavljeno je dana 13.2.2026. godine na Portal javnih nabavki (www.ejn.gov.ba).

U krajnjem roku za predaju ponuda određen tenderskom dokumentacijom (26.2.2026. godine do 11:00 sati), na adresu Ugovornog organa primljene su tri ponude ponuđača „GRANULO-RE“ d.o.o. Sarajevo, „ESTA“ d.o.o. Busovača i „MAHER“ d.o.o. Sarajevo. Nije bilo neblagovremeno pristiglih ponuda.

U skladu sa članom 63. Zakona o javnim nabavkama (u daljem tekstu: Zakon), Komisija III je u zakazano vrijeme pristupila javnom otvaranju pristigle ponuda i nakon što je utvrđena blagovremenost i urednost dostave, pročitana je cijena ponuda, kako slijedi:

R/b	Ponuđač	Ukupna cijena bez PDV-a (KM)	Popust
1.	„GRANULO-RE“ d.o.o. Sarajevo	6.570,00	/
2.	„ESTA“ d.o.o. Busovača	7.910,00	/
3.	„MAHER“ d.o.o. Sarajevo	4.918,00	/

Nakon izvršenog javnog otvaranja ponude, na zatvorenom sastanku Komisija III je pristupila detaljnom pregledu i analizi dokumentacije priložene uz ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponuda, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Komisija III je jednoglasno konstatovala da dostavljene ponude ispunjavaju formalno-pravne, ekonomske i tehničke uslove, odnosno da ispunjavaju sve uslove iz tenderske dokumentacije i zahtjeve Ugovornog organa za predmetnu nabavku, kao i da su prihvatljive u smislu Zakona o javnim nabavkama.

Računskom provjerom ispravnosti ponuda ponuđača „GRANULO-RE“ d.o.o. Sarajevo, „ESTA“ d.o.o. Busovača i „MAHER“ d.o.o. Sarajevo, Komisija III je konstatovala da su podnesene ponude računski ispravne, da obuhvataju sve elemente i zahtjeve, te da je ukupna cijena ponuda sa PDV-om pravilno obračunata.

Komisija III je postupkom poređenja i rangiranja ponuda utvrdila da ponuda prvorangiranog ponuđača „MAHER“ d.o.o. Sarajevo ispunjava uslove za ispitivanje neprirodno niske cijene. Naime, ponuđena cijena je za više od 20% niža od cijene drugorangirane ponude ponuđača „ESTA“ d.o.o. Busovača, čime je ispunjen osnov za primjenu člana 17. stav (7) tačka b) Uputstva za pripremu modela tenderske dokumentacije i ponuda („Službeni glasnik BiH“, br. 90/14 i 20/15). Shodno navedenom, Komisija III se dopisom broj: 10/E-11-877/26 od 27.2.2026. godine obratila ponuđaču „MAHER“ d.o.o. Sarajevo sa zahtjevom za dostavljanje pisanog objašnjenja neprirodno niske cijene. Ponuđač je traženo objašnjenje blagovremeno dostavio dana 27.2.2026. godine. Komisija III je analizom objašnjenja utvrdila da je isto utemeljeno na objektivnim razlozima koji omogućavaju niže troškove izvršenja, a da se ne ugrožava kvalitet. Nakon detaljne analize i razmatranja obrazloženja, Komisija III je jednoglasno ocijenila da je objašnjenje osnovano, argumentovano i prihvatljivo, te da ponuđena cijena osigurava urednu realizaciju ugovora. Pisano objašnjenje ponuđača „MAHER“ d.o.o. Sarajevo od 27.2.2026. godine čini sastavni dio Zapisnika o pregledu i ocjeni ponuda broj: 10/E-11-877/26 od 3.3.2026. godine.

U daljem toku postupka Komisija III je izvršila analizu i ocjenu dostavljenih prihvatljivih ponuda prema kriteriju za dodjelu ugovora.

Na temelju vrednovanja i rangiranja ponuda, u skladu s kriterijem „najniža cijena“ i članom 64. stav (1), tačkom b) Zakona o javnim nabavkama, utvrđen je sljedeći poredak:

Rang	Ponuđač	Ukupna cijena bez PDV-a (KM)
1.	„MAHER“ d.o.o. Sarajevo	4.918,00
2.	„GRANULO-RE“ d.o.o. Sarajevo	6.570,00
3.	„ESTA“ d.o.o. Busovača	7.910,00

Shodno svemu naprijed izloženom, Komisija III je putem javnog glasanja jednoglasno donijela odluku da se Općinskom načelniku dostavi:

PREPORUKA O PRIHVATANJU PONUDE

Prvorangiranog ponuđača „MAHER“ d.o.o. Sarajevo, ulica Muhameda ef. Pandže broj 61, 71000 Sarajevo, broj: 63/26 od 25.02.2026. godine, po cijeni u ukupnom iznosu od 4.918,00 KM bez PDV-a, odnosno 5.754,06 KM sa PDV-om, kao najpovoljnije za usluge održavanja PP aparata, funkcionalno ispitivanje hidrantskih i gromobranskih instalacija u objektima u vlasništvu Općine Centar Sarajevo. Sa izabranim ponuđačem zaključit će se Okvirni sporazum na period od 28 (dvadeset i osam) mjeseci, kojim će se detaljnije regulisati međusobna prava i obaveze ugovornih strana u skladu s tenderskom dokumentacijom i prihvaćenom ponudom. Općinski načelnik u postupku evaluacije nije našao razloge niti nepravilnosti u radu Komisije III koji bi eventualno bili osnov za neprihvatanje preporuke Komisije III, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 5 (pet) dana od dana prijema ove Odluke, shodno članu 101. stav (5) tačka c) Zakona o javnim nabavkama („Službeni glasnik BiH“, broj 39/14, 59/22 i 50/24). Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama. Žalba se podnosi u dovoljnom broju primjeraka, a koji ne može biti manji od tri. Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

Prilog: Zapisnik o pregledu i ocjeni ponuda
broj: 10/E-11-877/26 od 3.3.2026. godine



Dostaviti:

1. Ponuđaču: „GRANULO-RE“ d.o.o. Sarajevo, ulica Bojnička broj 47, 71000 Sarajevo
2. Ponuđaču: „ESTA“ d.o.o. Busovača ulica Matice hrvatske b.b., 72260 Busovača
3. Ponuđaču: „MAHER“ d.o.o. Sarajevo, ulica Muhameda ef. Pandže broj 61, 71000 Sarajevo
4. Službi za zajedničke i tehničke poslove
5. Kabinetu općinskog načelnika – Odsjek za javne nabavke
6. Službi za finansije
7. U spis